

**Pisortat ingerlatsineranni suliassat suliarineqartarnerat pillugu Inatsisartut
inatsisaat nr. 8, 13. juni 1994-imeersoq.**

Kapitali 1.
Inatsisip atortuuffia.

§ 1. Inatsit una Namminersornerullutik Oqartussani kommuninilu pisortat ingerlatsinerisa ilaanut tamanut atortuuvoq.

Imm. 2. Naalakkersuisut malittarisassatigut aalajangersarsinnaavaat inatsit tamakkerluni tamakkernaniluunniit atortuussasoq ingerlatseqatigiiffinnut, suliffeqarfinnut il.il. erseqqinnerusumik taaneqartunut pisortat ingerlatsinerannut naatsorsunneqarsinnaanngitsunut. Atortuussaarli aatsaat ingerlatsinerminni aningaasartuutaasa amerlanersaat Namminersornerullutik Oqartussanit imaluunniit kommunimit akilerneqartarpata, imaluunniit tamakku inatsisitigut imaluunniit inatsisit naapertorlugit pisinnaatitaappata Namminersornerullutik Oqartussat sinnerlugit imaluunniit kommuni sinnerlugu aalajangiisarnissanut. Naalakkersuisut taakkununnga tunngatillugu malittarisassaliorsinnaapputallagaatit il.il. toqqortarineqartarnissaataamma allanut tusarliussisussaannginnejq pillugit.

§ 2. Inatsit una suliassanik, ingerlatsinermut oqartussaasunit aalajangiiffigineqarsimasunik aalajangiiffigineqarumaartunilluunniit, suliarinninnermut atortuuvoq.

Imm. 2. Suliami peqataasinnaannginnejq pillugu kapitali 2-mi aalajangersakkat atortuupputtaaq suliassanik isumaqatigiissuteqarnissamut namminerluunniit pilluni aalajangigassanut tunngasunik tamatumunnga assingusunik suliaqarnermut.

Imm. 3. Kapitali 8-mi aalajangersakkat sulianut pisortat ingerlatsineranni suliarineqartunut tamanut atortuupput.

Imm. 4. Naalakkersuisut malittarisassatigut aalajangersarsinnaavaat inatsimmi aalajangersakkat aamma tamakkerlutik tamakkernatilluunniit ingerlatsinermut imm. 1-im i taaneqartumit allaasumut atortuussasut.

Kapitali 2.
Suliami peqataasinnaannginnejq.

§ 3. Kinaluunniit pisortatigut ingerlatsinermi suliaqartoq suliassami aalajangersimasumi peqataasinnaanngilaq,

1) nammineq imminut eqqarsaatigaluni aningaasalluunniit eqqarsaatigalugit suliap qanoq inerneqarnissaanik soqutiginnilluunnartuuguni imaluunniit siusinnerusukkut suliami tassani kimulluunniit taamatut soqutiginnittumut sinniisuusimaguni,
2) taassuma aapparisaa, eqqarlia imaluunniit aappariinnnikkut siulimigut kinguaamigulluunniit siulimiluunniit qatanngutaasigut imaluunniit allatigut qanitaasigut qanitsigisumik qanigisarinnituusoq imminut eqqarsaatigaluni

aninaasalluunniit eqqarsaatigalugit suliap qanoq inerneqarnissaanik soqutiginnituuppat imaluunniit kimut taamatut soqutiginnittumut sinniisuuppat, 3) ingerlatseqatigiiffiup, peqatigiiffiup siulersuisuini ilaasortaaguni imaluunniit tamakkununngaa imaluunniit inuinnarmut allamut inatsisink paasisimasalimmuit, suliap qanoq inerneqarnissaanik soqutiginnilluunnartumut, allatigut qanilluinnartuuguni, 4) suliassaq pisortatut oqartussaaffiup allap misissuisutut imaluunniit nakkutilliisutut sulineranut tunngasuuppat tamatumunngaluunniit naammagittaalliutaappat, naammagittaalliortorlu taanna suliassarineqartumut taannaluunniit tunngavigalugu pineqaatisiissutaasut nammassineqarnissaannut oqartussaaffimmi tassani siusinnerusukkut aalajangeeqataasimappat, imaluunniit 5) pissutissaqarpat kinaassusersiorsinnaanngissusia qarilissallugu.

Imm. 2. Suliами peqataasinnaannginneraasoqarsinnaanngilaq soqutiginninnerup pissusia annertussusialuunniit, suliassap pissusia imaluunniit inuup taassuma suliassap suliarineqarneranut atasumik suliai pissutigalugit isumaqarnanngippat aarleqqutissaasoq suliassami aalajangiinissap soqutigisanut tunnganngitsunit sunnerneqarnissaa.

Imm. 3. Suliassami pissuteqartumik peqataasinnaanngitsoq suliassap suliarineqarnerani aalajangiissangilaq, aalajangiinermi peqataassanngilaq allatulluunnit peqataassaanngilaq.

§ 4. Suliassap suliarinissaani siiliini taaneqartup taassuma taartissaanik pissarsinissaq ajornavissappat imaluunniit ajornartorsiutaasorujussuuppat § 3-mi aalajangersakkat atortuussanngillat.

Imm. 2. § 3-mi aalajangersakkat ingerlatsinermut oqartussaaqatigiinnut ilaasortaasunut atortuupput, naak sinniisussaqartitsisoqarsinnaanngikkaluartoq. Aalajangersagarli taanna atortuussanngilaq oqartussaasut aalajangiisnnaassuseqarnertik annaassappassuk imaluunniit oqartussaasut inuttalersugaanerat, ilaasortaq suliassap suliarineqarnerani ilaasinnaanngippat, annertuumik eqqarsarnarsissappat suliariinninnissarlu kinguartinneqarsinnaanngippat pisortat privatilluunniit (inuunnaat) soqutigisaat annertuumik ajoqusernagit.

Imm. 3. Ingerlatsinermut oqartussaaqatigiit ilaasortaaffissamut tassunga ilaasortassanik qinersineranni ilaasortaq ataaseq § 3-mi aalajangersakkat apeqqutaatinngagit peqataasinnaavoq, naak siunnersuutigisaannaagaluarluni. § 3-mi aalajangersakkat communalbestyrelsit ilaasortat akissarsiaat pillugit aalajangigaannut atortuunngillat.

§ 5. Naalakkersuisut sunut aalajangersimasunut malittarisassaliorsinnaapput §§ 3-mi 4-milu aalajangersakkat sunniuteqarfingisassaannik erseqqinnerusumik aalajangiisuuusunik.

§ 6. Kialuunniit pissutsinik § 3, imm. 1-imti taaneqartunik pissuseqartumik ilisimannittupoqartussaaffimmi qullersarisani piaartumiktamatuminnga nalunaarfigissavaa, erseqqiluunnanngippat pissuserisat pingaaruteqanngitsuusut. Ingerlatsinermut oqartussaaqatigiinnut ilaasortat taamaattunik ilisimasaqarfigineqarpata tamakku oqartussaasunut nalunaarutigineqassapput.

Imm. 2. Inuup suliами peqataasussaasorinannginnera taamaassorinann-ginneraluuunniit oqartussaasunit imm. 1-imti taaneqartunit aalajangiiffingeqassaaq.

Imm. 3. Aalajangiiffigineqartussaq suliami peqataasussaasorinannginnermik taamaassorinannginnermilluunniit apeqqutip oqaluuserineqarnerani aalajangiiffigineqarneranilu nammineq peqataassanngilaq, taamaattorli takuuk § 4, imm. 1 aamma 2. Tamannali atortuunngilaq allanut inatsisit naapertorlugit allatut aalajangiiffigineqareersunut.

Kapitali 3. *Ilitsersuineq sinniisoqarnerlu il.il.*

§ 7. Ingerlatsinermut oqartussaaffiup inuit oqartussaaffigisamini suliassat pillugit apeqquteqarlutik saaffiginnittut pisariaqarneratut annertutigisumik ilitsesorlugillu ikiortassavai.

Imm. 2. Ingerlatsinermut oqartussaaffik suliassarisaminut tunngangitsunik saaffigineqarpat, saaffiginnissut sabinngisamik oqartussaasunut eqqortunut ingerlateqqinneqassaaq.

§ 8. Suliami (illuatungiulluni) peqataasoq suliassap suliarineqarnerani sukkulluunniit sinniisoqartissinnaavoq ikiorneqartissinnaalluniluunniit. Oqartussaasulli piumasarisinnaavaat peqataasup taassuma nammineq najuunnissaa, tamanna suliassap aalajangiiffiginissaanut pingaruteqarpat.

Imm. 2. Imm. 1-imi oqaaseqatigiinni siullerni aalajangersagaq atortuussanngilaq peqataasup sinniisoqartitaasinnaanissaminik ikiorteqartitaasinnaanissaminilluunnniit soqutiginninnera pisortat inuinnaalluunniit soqutigisaat pissutigerullugit minnerutittariaqartutut isumaqarfinginarpak, imaluunniit inatsisitigut allamik aalajangersagaqareerpat.

Kapitali 4. *Peqataasup suliassamut tunngasunik ilisimasaqarnera.*

Suliassamut tunngasunik ilisimasaqarsinnaatitaaneq.

§ 9. Suliami ingerlatsinermut oqartussaasunit aalajangiiffigineqartumi aalajangiiffigineqarumaartumiluunniit peqataasup allagaatinik suliassamut tunngasunik ilisimatinneqarnissani piumasarisinnaavaa. Qinnuteqaammi allassimassaaq suliassap, allakkat tassunga tunngasortai qinnuteqartup paasiuumallugit qinnutigisaasa, suunera.

Imm. 2. Inuit pisortat atorfearfiini sinniisutitaqarfiiniluunniit suliaqartut allanut tusarliusseqqusaaannginnerat pillugu aalajangersakkat suliassamut tunngasut ilisimatitsissutaasinnaanerat kapitali una malillugu killilinngilaat.

Imm. 3. Taamaattorli kapitalimi matumanii aalajangersakkat inatsisit unioqqutinneqarnerinik pinerluttulerinermi inatsit tunngavigalugu malersuinermi atutissanngillat, taamaattorli tak. § 18."

Suliassamut tunngasunik ilisimasaqarsinnaatitaanerup annertussusia.

§ 10. Suliassami peqataasup suliassamut tunngasunik ilisimasaqarsin-naatitaanerani
§ § 12-15-imi taaneqartut pinnagit ilisimasaqarfigumaneqarsinnaatitaapput

1) allakkat suliassamut tunngasut tamarmik, tamakkununnga ilanngullugit allakkat
oqartussaasuneersut nuutinneri, allakkat tamakku inussaminnut
apuutereersimassangatinnaraangata, aamma

2) allakkat suliassamut tunngasut journalinut, nalunaarsuiffinnut allattuiffinnullu
allanut allattorneqarsimasut.

*Imm. 2. Pisortanili atorfeqarfimmi atorfinkumalluni imaluunniit atorfimmini
qaffatsitaajumalluni qinnuteqarniartup qinnuteqarsimasulluunniit taamaallaat
piumasarinnaavaa allagaatinik il.il. imminut tunngasunik ilisimatinneqarnissani.*

Suliassamik kinguartitsineq.

§ 11. Suliami peqataasoq suliassaq suliarineqartillugu suliamut tunngasunik
ilisimatinneqarnissaminik qinnuteqarpat, qinnuteqaatalu inatsit una malillugu
akueringassappat, suliassap aalajangiiffingeqarnissaa kinguartinneqassaaq suliami
peqataasup allagaatinik ilisimatinneqareernissaanut.

*Imm. 2. Imm. 1-imili aalajangersagaq atortuussanngilaq kinguartitsinissaq suliassap
aalajangiiffinginissaanut inatsisitigut killiussap qaangerneqarneranik
kinguneqassappat, imaluunniit peqataasup taassuma suliap
aalajangiiffingeqarnissaata kinguartinneqarnissaanik soqtiginninera pisortat
inuinnaalluunniit soqtigisaat taamatut kinguartitsinikkut ajoquserneqartussat
pissutignerullugit minnerutittariaqartutut isumaqarfiginarpas.*

Allakkanik takutitseqqusinnginneq.

§ 12. Suliassamut tunngasunik ilisimasaqarsinnaatitaanermi
ilisimasaqarfigumaneqarsinnaatitaanngillat oqartussaasoqarfiup allagaatai tassani
sulianut tunngasut. Allakkatut oqartussaasoqarfimmi sulianut tunngasutut
isigineqarput

1) allakkat oqartussaasunit suliassamik suliaqarnermi nammineq atugassatut
suliarineqartut,

2) oqartussaassoqarfimmi tassani immikkoortortat assigiinngitsut
allaffigeqatigiissutigisartagaat aamma

3) kommunalbestyrelsip ataatsimiititaliaasalu, immikkoortoqarfiisalu allallu
allaffissornikkut qullersaqarfiisa imaluunniit tamakkua imminut
allaffigeqatigiissutigisartagaat.

*Imm. 2. Paasissutissat suliassami pisimasuinnut tunngasut suliap
aalajangiiffinginissaanut pingaaruteqarluinnartut oqartussaasoqarfiinnarmilu
allagaatigineqartut imm. 1 -imi aalajangersagaq apeqqutaatinnagu kapitalimi uani
maleruagassiaasut naapertorlugit nalunaarutigineqartassapput.*

- § 13.** Suliassanut tunngasunik ilisimasaqarsinnaatitaanermi § 12-imi aalajangersakkat apeqqutaatinngagit ilisimasaqarfigiumaneqarsinnaatitaapput oqartussaasoqarfimmi sorianut tunngasumik allakkat,
- 1) allakkat tamakku oqartussaasoqarfip suliap aalajangiiffigineqarnera pillugu inaarutaasumik aalajangigaata imarisaanik issuaanerinnaagaangata.
 - 2) allakkat tamakku issuaanerinnaagaangata paassisutissanik oqartussaasoqarfip inunnut tamanut isertuussinnginnissamik inatsit malillugu pisussaaffigalugu allattugassaanik, imaluunniit
 - 3) allakkat tamakku allagaagaangata immikkoortut, oqartussaasoqarfimmit suliarineqartut soriani pisimasuinnut upernarsaasiornissaq allatulluunniit taamatut erseqqissaasiornissaq siunertalaralugu.

- § 14.** Suliassamut tunngasunik ilisimasaqarsinnaatitaanermi ilisimasaqarfigiumaneqarsinnaatitaanngillat:
- 1) Naalakkersuisut ataatsimiissutaasa imaqarniliorneri aamma allakkat ataatsimiinnernut taamaattunut atugassatut oqartussaasoqarfimmit suliarineqartut.
 - 2) Oqartussaasoqarfip oqartussaasoqarfimmut allamut allattoqarfittut suliaqarneranut atasumik allakkat paarlaateqatigiissutaasartut.
 - 3) Oqartussaasoqarfip immikkullu paasisimasallit eqqartuussisutigisassani imaluunniit suliassap eqqartuussisunut tunniunneqartariaqarnerata isumaliutiginerani atugassatut allaffigeqatigiissutaat.

Imm. 2. Paassisutissat suliassami pisimasuinnut tunngasut suliassap aalajangiiffigineqarnissaanut annertuumik pingaaruteqartut allakkanilu imm. 1-imi taaneqartuinnarni atuarneqarsinnaasut imm. 1-imi aalajangersagaq apeqqutaatinngagu kapitalimi uani maleruagassiaasut naapertorlugit nalunaarutigineqassapput.

Paassisutissanik tunniusseqquinnginneq.

- § 15.** Suliassamut tunngasunik ilisimasaqarsinnaatitaaneq killiliiffigineqarsinnaavortaaq peqataasup allakkanik suliassamut tunngasunik ilisima-saqarnini nammineq iluaqtigiumallugu atiumasinnaanerminik soqutiginnerra inuktaanna nammineq eqqarsaatigalugu imaluunniit inuinnaat allat pisortalluunniit soqutigisaat pissutiginerullugit minnerutittariaqartutut isumaqarfiginarp, aamma makku pissutigalugit
- 1) naalagaaffiup isumannaatsuunissaa illersorneqarnissaaluunniit,
 - 2) naalagaaffiup nunani allani naalakkersuinikkut imaluunniit aningaasarsiornikkut soqutigisai, tamakkununnga ilangullugit naalagaaffinnut allanut pissaanilinnut imaluunniit naalagaaffiit assigiingitsut soqutigisaannut tunngasut,
 - 3) inatsisinik unioqqutitsinernik pinaveersaartsineq, paasiniaaneq imaluunniit eqqartuussisunut suliassanngortitsiniarneq, pinerlunnernut tunngasumik eqqartuussut assigisaasalu naammassineqarnissaat kiisalu pinerluttunik imaluunniit ileqqusanik unioqqutitsisunik suliassanngortitsiniarnerni pasilligaasut, ilisimannitt imaluuniit allat illersorneqarnissaat,
 - 4) akileraartarnermut akitsuuteqartitsisarnermullu inatsisit naapertorlugit pisortatigut misissuineq, killilersuineq imaluunniit pilersaarusiortarneq imaluunniit iliuuserissamaakkatut eqqarsaatigineqartut, imaluunniit

5) pisortat aningaasanut tunngasutigut soqutigisaat, tamakkununnga ilangullugu pisortat niuerermik ingerlatsinerat.

Imm. 2. Imm. 1-imi taaneqartut allakkap ilaannaanut atortuuppata peqa-taasoq allakkap imarisaanik allanik ilisimatinneqassaaq.

Suliassamut tunngasunik ilisimasaqarsinnaatitaaneq pillugu sulianik aalajangiineq.

§ 16. Suliassamut tunngasunik ilisimatinneqarnissamik qinnuteqaat akuerineqassanginnersoq akuerineqassanersorluunniit qanorlu akuerineqassanersoq oqartussaasunit suliamut taassumunnga aalajangeereersima-sunittaaq aalajangerneqassaaq.

Imm. 2. Oqartussaasut piaartumik aalajangissavaat qinnuteqaat akuerineqarsinnaanersoq. Qinnuteqaat oqartussaasunit tiguneqarnermi kingorna ullut qulit qaangiutinnginneranni akuerineqanngippat itigartitsissutaappalluunniit oqartussaasut taakkua peqataasoq (qinnuteqartoq) tamatumunnga pissutaasumik kiisalu aalajangiinerup qaqugu tusarliutissanganeranik nalunaarfingissavaat.

Imm. 3. Peqataasup soqutigisami isumaginissaannut suliaq pillugu allagaasut assilinerinik nuutinnerinilluunniit pinissaa pingaaruteqarpat pinissaannik qinnuteqaat akuerineqassaaq. Akuerineqassanngilarli allakkat pissusiisa, allakkat qassiussusiisa, imaluunniit suliarinerisa tamanna pissutissaqarluartumik ajornartippassuk. Allakkat assilinerinut nuutinnerinullu akiliuteqartarnissaq pillugu Naalakkersuisut maleruagassaliussapput.

Imm. 4. Suliassamut tunngasunik ilisimasaqarsinnaatitaanermik apeqqutinik aalajangiinerit immikkut naammagittaalliuutigineqarsinnaapput oqartussaasunut, suliamik ilisimasaqarfiginissaanik qinnuteqaateqarfigineqartumik aalajangiinermut naammagittaalliuuteqarfissaasunut. § 11-mi aalajangersagaq aamma taamatut atortuuvoq.

Imm. 5. Naalakkersuisut maleruagassaliorsinnaapput imm. 1-imiaamma imm. 4-mi, oqaaseqatigiinni siullerni, aalajangersakkanit aallassuteqartitaasunik.

§ 17. Suliami aalajangerneqartup naammagittaalliuutigineqarsinnaanera piffissamik killilerneqarsimappat aammalu suliassamut tunngasunik ilisima-tinneqarnissamik qinnuteqaat saqqummiunneqarpat aalajangiineq peqataasumut nalunaarutigineqareersoq, piffissarli naammagittaalliuuteqarnissamut killiliussaq suli naanngitsoq, oqartussaasut aalajangiisinnaapput naammagittaalliorissamut killiliussaq atussanngitsoq. Taama aalajangiisoqarpat naammagitaalliuuteqarnissamut killiliussaq sivitsorneqassaaq suliamuttunngasut ilisimatissuttaanissaata imaluunniittamatuma itigartitsissutaanerata peqataasumut nalunaarutigineqarfianit, sivikinnerpaamilli ullunik 14-inik.

Naammagittaalliuuteqarnissarnut killiliussap qaqugu naanissaa naammagittaalliuuteqarsinnaasunut allanuttaaq aalajangiinermit allakkatigut nalunaarfingeqartunut nalunaarutigineqassaaq.

Suliassani pinerluttulerinermut inatsimmut tunngasuni paasitinneqarsinnaatitaaneq.

§ 18. Suliassami pinerluttulerinermi inatsittunngavigalugu ingerlanneqartumi peqataasoq suliassap aalajangiiffigineqareerneratigut suliassap allakkiartaanik paasitinneqarumasinnaavoq, tamanna pineqartup soqutigsaanik ingerlatsinissap eqqarsaatigalugu naammaginartumik tunngavilersorneqarsinnaappat, aamma inatsisinik unioqqutitsinaveersaatisinissaq, paasiniaaneq maluersuinerlu eqqarsaatigalugit, imaluunniit unnerluutigineqartup, ilisimannittutut uppernarsaasup imaluunnit allat eqqarsaatigalugit mianerisassanut immikkut ittunut assortuuttunngippat. §§ 12-14-imi aalajangersakkat aamma taamatut atuupput.
Imm. 2. Paasitinneqarnissamik qinnuteqaatip imm. 1 tunngavigalugu qanoq iluseqarluni akuerineqarsinnaanersoq aalajangiiniarneq oqartussamit pinerluttulerinermi inatsit tunngavigalugu aalajangiisimasumit aalajangiivigineqassaaq. Aalajangiineq taanna pineqartup ingerlatsinikkut oqartussatut quillersarisaanut naammagittaalliuutigineqarsinnaavoq. Allaqqiinerit assiliinerillu akilerneqartarnerat pillugu Naalakkersuisut malittarisassanik erseqqinnerusunik aalajangersaasinnaapput."

Kapitali 5.

Peqataasup isumaanik tusarniaaneq.

§ 19. Suliassami (illuatungiulluni) peqataasoq paasissutissanik aalajangersimasunik suliassami pisimasuinnut tunngasunik oqartussaasut pigisaqarnerannik ilisimasaqorsorinangippat aalajangiisoqassanngilaq peqataasoq taanna paasissutissanik tamakkuninnga oqartussaasunit ilisimatinneqartinnagu oqaaseqaateqarnissaanullu periarfissinneqartinnagu. Aalajangigarli taanna aatsaat atortuussaaq paasissutissat peqataasumut tassunga iluaqtaasussaassanngippata suliallu aalajangiiffiginissaanut annertuumik pingaaruteqarpata. Oqartussaasut oqaaseqaateqarnissamut taaneqartumut piffissamik killiliisinnaapput.

Imm. 2. Imm. 1-imi aalajangersagaq atortuussanngilaq
1) paasissutissat pissuserisaat suliassallu suussusia naapertorlugit tigumiariikkat tunngavigalugit suliami aalajangiinissaq nangaanartutut isumaqarfiginanngippat,
2) kinguartitsineq kinguneqassappat suliassap aalajangiiffiginissaanut inatsisitigut killiliussap qaangerneqarneranik,
3) peqataasup taassuma suliassap aalajangiiffigineqarnissaata kinguartinneqarnissaanik soqutiginninera pisortat inuinnaalluunniit soqutigisaat taamatut kinguartitsinikkut ajoquserneqartussat pissutiginerullugit minnerutittariaqartutut isumaqarfiginarpas.
4) kapitali 4-mi maleruagassiat malillugit peqataasoq taanna paasissutissaniksuliassamuttunngasuniktamakkuninnga ilisimatinneqarnissamut pisussaanngippat,
5) paasissutissanik peqataasumut saqqummiussineq annertuunik ajornartorsiutissartaqassaaq, matumani aalajangernermeri inuppassuit peqataasutut inissisimasut ilaatinneqartussaanerat pissutigalugu, imaluunniit
6) inatsisitigut immikkut ittunik aalajangersagaqarpat peqataasup aalajangiineq pitinnagu aalajangiinissamut eqqarsaatigineqartumut tunngaviusunik ilisimatinneqarnissaanut pisussaalersitsisunik.
Imm. 3. Naalakkersuisut maleruagassaliorsinnaapput suliassaqarfiiit

erseqqinnerusumik taaneqartut, imm. 2, nr. 2-mi imaluunniit 5-imik aalajangersakkat nalinginnaasumik atortuuffigisassaat, imm. 1 -imi aalajangersakkami pineqartunut ilaatinneqartussaannginnerannik.

§ 20. Suliassani, oqartussaasut peqataasup qinnuteqarneratigut aalajangerneqartumik allanngortitsisinnaaffiini, oqartussaasut peqataasoq isumaanik tusarniaaviginngissinnaavaat suliassap piissusia peqataasorlu pissutigalugit tamanna pisariaqarpat.

Imm. 2. Imm. 1 naapertorlugu peqataasoq isumaanik tusarniaavagineqarsimangippat aalajangiineq ilaqtinnejassaaq paasissutissanik § 19-imik aalajangersagaq malillugu peqataasumut tusartitassaasimagaluartunik. Ta-matuma saniatigut peqataasoq ilisimatinneqassaaq suliamik nangeqqitsitsiniarsinnaaneranik.

Nangeqqitsitsiniarnissamik qinnuteqarnissamut periarfissamik oqartussaasut killiliisinnaapput.

Imm. 3. Aalajangigaasup ingerlatsinermut oqartussaasunut allanut naammagittaalliuutigineqarsinnaanera piffissamik killilerneqarsimappat aammalu suliap nangeqqinneqarnissaanik qinnuteqaat saqqummiunneqarpat piffissaq naammagittaalliuuteqarnissamut killiliussaq suli naanngitsoq naammagittaalliornissamut killiliussaq atussanngilaq. Taama pisoqarpat naammagittaalliuuteqarnissamut killiliussaq sivitsorneqassaaq nutaamik aalajangiinerup peqataasumut nalunaarutigineqarfianit aallartitillugu, sivikinnerpaamilli ullunik 14-inik.

Oqaaseqaateqarsinnaat/taaneq.

§ 21. Suliami peqataasup suliap suliarineqarnerani sukkulluunniit piumasarisinnaavaa suliap aalajangiiffigineqarnissaata kinguartinneqarnissaa oqaaseqaateqareernissaminut. Oqartussaasut oqaaseqaateqarnissamut taaneqartumut piffissamik killiliisinnaapput.

Imm. 2. Imm. 1-imik aalajangersagaq atortuussanngilaq

1) kinguartitsineq suliap aalajangiifiiffigineqarnissaanut killiliussamik qaangiinermik kinguneqassappat,

2) peqataasup taassuma suliap aalajangiiffigineqarnissaata kinguartinneqarnissaanik soqutiginninera pisortat inuinnaalluunniit soqutigisaat taamatut kinguartitsinikkut ajoquserneqartussat pissutiginerullugit minnerutittariaqartutut isumaqarfiginarpas, imaluunniit

3) inatsisitigut immikkut ittunik aalajangersagaqarpat peqataasup aalajangiineq pitinnagu oqaaseqaateqartinneqarnissaanut pisussaalersitsisunik.

Kapitali 6.

Tunngavigisat il.il.

§ 22. Aalajangiineq allakkatigut nalunaarutigineqaruni aalajangiinermut tunngaviusumik ilaqaqtinnejassaaq, suliami peqataasumut tassunga tapersiisuulluinnanngikkuni.

§ 23. Aalajangiinermik oqaasiinnakkut nalunaarfigineqartup aalajangiineq imminik tapersiisuulluinnanngippat piumasarisinnaavaa aalajangiinermut tunngaviusoq allaganngorlugu piumallugu. Tamatuminnga qinnuteqaat oqartussaasunut saqqummiunneqassaaq aalajangiinermik nalunaarutip suliami peqataasumit tiguneqarnerata kingornagut ullut 14-it qaangiutsinnagit.

Imm. 2. Tunngaviusup allaganngorlugu nalunaarutigineqarnissaanik imm. 1 malillugu qinnuteqaat sappinngisamik piaartumik akineqassaaq. Qinnuteqaat oqartussaasumit akissuteqartussamit tiguneqarnermi kingorna ullut 14-it qaangiutinnginneranni akineqanngippat oqartussaasup taassuma suliami peqataasoq tamatumunnga pissutaasumik kiisalu qinnuteqaatip qaqugu akineqassangatinneranik nalunaarfigissavaa.

§ 24. Aalajangiinermuttunngaviusumik nalunaarummi innersuussutigineqassapput inatsisini maleruaqqusat aalajangiinermi tunngavigineqartut. Maleruaqqusat tamakku malillugit aalajangiineq oqartussaasuni sulisut isumaannik tunngaveqarpat tunngaviusumik nalunaarummi taaneqassapputtaaq pissutaasut pingarnerusut isummat tamakkua atornerannut aalajangiisuuenerusut.

Imm. 2. Tunngaviusumik nalunaarummi pisariaqarpat naatsumik erseqqissarneqassapputtaaq paassisutissat suliami pissusiviusunut tunngasut aalajangiinermi annertuumik pingaartinneqartut.

Imm. 3. Tunngaviusumik nalunaarutip imarisai killiliiffigineqarsinnaapput suliami peqataasup tamakkununnga ilisimasaqarnini nammineq iluaqtigiumallugu atuiumasinnaanerminik soqtiginninnera inuk taanna nammineq eqqarsaatigalugu imaluunniit inuinnaat allat pisortalluunniit soqtigissat pissutiginerullugit minnerutittariaqartutut isumaqarfiginarpak, tak. § 15.

Kapitali 7.

Naammagittaalliomissamut ilitsersuineq.

§ 25. Aalajangiinerit ingerlatsinermut oqartussaasunut allanut naammagittaalliuutigineqarsinnaasut allakkatigut nalunaarutigineqarunik naammagittaalliorsinnaanermut ilitsersummik ilaqaqtinnejassapput tassuuna nalunaarlugit naammagittaalliorarfik naammagittaalliussagaannilu qanoq iliortariaqartoq immaqalu aamma ullut qassit qaangiutsinnagit naammagittaalliorariaqartoq. Tamakkuninngali ilaqaqtinnejassanngillat aalaajangiineq aalajangiiffigineqartumut tapersiisuulluinnarsimappat.

Imm. 2. Naalakkersuisut maleruagassaliorsinnaapput ingerlatsinermi suliat ilaat erseqqinnerusumik taaneqartut, pissuteqartumik immikkut isigisariaqartut, pillugit naammagittaalliorissamut ilitsersummik ilanngussaqannginnissaq imaluunniit imm. 1-imi ilitsersuutigineqartumit allaasumik naammagittaalliorqarsinnaanera pillugit.

§ 26. Aalajangiinerit taamaallaat eqqartuussivinnut suliassanngortinnejarsinnaasut suliassanngortitsissagaanni inatsisitigut aalajangerneqartumik piffissaligaaneritaaneqartut ilaqtinnejassapput tamanna pillugu ilisimatitsisummik.

Kapitali 8.

Allanut tusarliusseqqusinnginnej il.il.

Allanut tusarliusseqqusinnginnej.

§ 27. Pisortat ingerlatsiviini suliffilik allanut tusarliussisussaatitaanngilaq, tak. pinerluttuliorneq pillugu inatsisini § 29, suna ilisimasaq inatsisitigut imaluunniit aalajangersakkut atortusukkut allakkut tassaaneraagaappat allanut oqaatigeqqunngisaq, imaluunniit aamma pisariaqarpat isertuutissallugu pisortat inuinnaalluunniit soqutigisaat pingaaruteqartut pissutigalugit, aamma pingaaartumik makku pissutigalugit

- 1) naalagaaffiup isumannaatsuunissa illersorneqarnissaaluunniit
- 2) naalagaaffiup nunani allani naalakkersuinikkut imaluunniit aningaasarsiornikkut soqutigisai, tamakkununnga ilanngullugit naala-gaaffinnut allanut pissaanilinnut imaluunniit naalagaaffiit assigiinngitsut soqutigisaannut tunngasut,
- 3) inatsisinik unioqqutitsinernik pinaveersaartitsineq, paasiniaaneq eqqartuussisunullu suliassanngortitsiniarneq kiisalu pinerlunnermut tunngasumik eqqartuussut naammassineqarnissaat aamma pinerluttunik imaluunniit ileqqussanik unioqqutitsisunik suliassanngortitsiniarnerni pasilligaasut, ilisimannittut imaluunniit allat illersorneqarnissaat,
- 4) akileraartarnermut akitsuiteqartitsisarnermullu inatsisit naapertorlugit pisortatigut misissuineq, killilersuineq imaluunniit pilersaarusiortarneq imaluunniit iliuuserissamaakkatut eqqarsaatigineqartut,
- 5) pisortat aningaasanut tunngasutigut soqutigisaat, tamakkununnga ilanngullugu pisortat niuernermik ingerlatsinerat,
- 6) inuit ataasiakkaat imaluunniit ingerlatsiviit namminersortut imaluunniit peqatigiiffiit imminnut tunngasut, tamakkununnga ilanngullugit aningaasarsiornermut tunngasut, pillugit paasissutissanik illersuumallutik soqutigisaat, imaluunniit
- 7) inuit ataasiakkaat imaluunniit ingerlatsiviit imaluunniit peqatigiiffiit teknikkikkut atortorisat imaluunniit periaatsit pillugit imaluunniit ingerlatsinermut imaluunniit niuernermut tunngasut pillugit paasissutissanik illersuumallutik aningaasatigut soqutigisaat.

Imm. 2. Pisortat ingerlatsiviini allanut tusarliuteqqusaanngissinnaavoq taamaallaat sumut ilisimasamut tunngasoq, pisariaqarpat isertuutissallugu pisortat inuinnaalluunniit soqutigisaat imm. 1 -imi taaneqartutut pingaaruteqartut pissutigalugit.

Imm. 3. Ingerlatsinermut oqartussaasut aalajangiisinnapput kialuunniit pisortat ingerlatsiviini suliffeqanngitsup paasissutissat allanut oqaatigeqqusaanngitsut oqartussaasut pisussaaffiginagu inummut tassunga tusartissimasaat pillugit allanut

tusarliisussaatitaannginnissaanik.

Imm. 4. § 1, imm. 2, naapertorlugu allanut tusarliussisussaannginneq pillugu maleruagassaliortoqarpat, imaluunniit imm. 3 naapertorlugu allanut tusarliusseqqusinnginneq (kimulluunniit) pisussaaffigitinneqassappat, maleruagassanik imaluunniit peqqussutinik taamaattunik unioqqutitsinermi pinerluttuliorneq pillugu inatsisini § 29 taamaalluni atortuussaaq.

Paasissutissanik ḁnner/atsinermut oqartussaasunut allanut ingerlatitseqqinneq.

§ 28. Inuit ataasiakkaat allanit sunissaqaratik pissuserisaat, tamakkunun-nga ilangulguit naggueqatigiinnut sunut ilanermut, upperisarsiornermut aamma ammip qalipaataanut, naalakkersuinermut, peqatigiiffeqarnermut, kinguaassiuutinikatuinermut, pinerluttarnermuttunngasut pillugit paasissutissat kiisalu peqqissusermut, inooqatigiinnermi ajornartorsiutinutannertuunut aamma inuulluarniutinik assigisaannillu atuinermut tunngasut pillugit paasissutissat ingerlatsinermut oqartussaasunut allanut ingerlateqqinne-qartassanngillat.

Imm. 2. Taamaattorli paasissutissanik imm. 1-imi taaneqartunik ingerlatitseqqittoqarsinnaavoq,

- 1) inuk paasissutissiissutigineqartussaq akuersisimappat,
- 2) paasissutissanit pineqartoq paasissutissanik ingerlatitseqqinneq pineqartup qularutissaanngitsumiksoqutigisaanikaallutarinninnissa siunertaralugu pippat akuersinissaminut mattunneqassaaq,
- 3) paasisimalikkap ingerlateqqinnissaa inatsisitigut imaluunniit inatsit malillugu aalajangersakkatigut ajornartitaanngippat,
- 4) ingerlatitseqqinneq pissappat inuinnartut imaluunniit pisortaqarfittut soqtigisat, soqtigisanit isertuussinissamut pissutaasunit, tamakkununga ilangulguit soqtigisat paasissutissiissutigineqartussamut tunngasut, annertunerujussuit sulissutiginissaannut, imaluunniit
- 5) ingerlatitseqqinneq suliassap suliainerani pisariaqarpat imaluunniit pisariaqarpat oqartussaasut nakkutilliinermerik imaluunniit misissuinermerik suliassaminnik naammassinninnissaannut.

Imm. 3. Paasissutissat allanut oqaatigeqqunngisat allat imm. 2-mi taaneqartunik pisooqartillugu ingerlatsinermut oqartussaasunut allanut ingerlateqqinneqarsinnaapput taamaallat paasissutissiinissaq oqartussaasut sulinerannut imaluunniit oqartussaasut aalajangigassaannut annertuumik pingaaruteqarsorinarpas.

Imm. 4. Imm. 2, nr. 1 malillugu akuersineq allakkatigut nalunaarutigineqassaaq, nalunaarlugu pasissutissat qanoq ittut ingerlateqqinneqassasut, paasissutissat kimut ingerlateqqinneqassasut aamma suna siunertaralugu. Allakkatigulli nalunaaruteqarnissamik piumasarisaq sanioqqunneqarsinnaavoq suliassap pissusiata imaluunniit pissusiusut allat tamanna pisariaqartippassuk.

Imm. 5. Imm. 1, nr. 2, malillugu akuersineq atorunnaassaaq kingusinnerpaamik nalunaarutigineqarnerminit ukioq ataaseq qaangiuppat.

Imm. 6. Kommuneqarfinni aalajangiisartussaasut inatsisitigut namminneq oqartussaassuseqartitaasut imm. 1 aamma 3 malillugit immikkut oqartussaassusilitut isigineqassapput.

§ 29. Taamaattorli oqartussap § 28, imm. 1-imi paasissutissat taaneqartut politinut oqartussanulluunniit allanut pinerluttulerinermik inatsit tunngavigalugu pinaveersimatitsiniarnermi suleqataasumut ingerlateqqissinnaavai, ingerlatseqqinnej pinerluttulerinermi inatsit tunngavigalugu pinaveersimatitsiniarluni suleqatigiinnermi pisariaqartutut isigineqarpas. Paasissutissat pinerluttulerinermi inatsit tunngavigalugu pinaveersimatitsiniarluni suleqatigiinnermut atatillugu pinerluttulerinermi inatsit tunngavigalugu suliassat misissuiffiqeqarnissaat siunertaralugu ingerlateqqinnejassanngillat.

Imm. 2. Suliffeqarfiiit imminnut pigisut pisortanik isumaginninnermut ilinniartitaanermullu suliassaqarfiiit iluani suliaqartut pinerluttulerinermi inatsit tunngavigalugu pinaversimatitsiniarluni suleqatigiinnermi ilanngunneqarpata paasissutissat imm. 1-imi taaneqarsimasutut annertutigisumik oqartussat suliffeqarfiiillu akornanni paarlaateqatigiissinnejassanngillat.

Imm. 3. Oqartussatsuliffeqarfiiillu pinerluttulerinermi inatsittunngavigalugu pinaveersimatitsiniarluni suleqatigiilersut imm. 1 aamma 2 malillugu paasissutissanik ingerlatseqqinssaminut pisussaaffilerneqanngillat."

§ 30. Suliassani qinnuteqarnikkut suliassanngortinneqartuni pissutsit qin-nuteqartup kisimi susassarisai ilisimatitsissutigeqqusaassanngillat ingerlatsiviup ilaanit allanit imaluunniit ingerlatsinermut oqartussaasunit allanit.

Imm. 2. Imm. 1-imi aalajangersagaq atortuussanngilaq,

- 1) qinnuteqartoq tamatumunnga akuersippat,
- 2) inatsimmik imaluunniit inatsit tunngavigalugu aalajangersakkanik allamik tunngavissaqarpas imaluunniit
- 3) qinnuteqartumut imaluunniit suliami peqataasut avataanniittumut tunngasut immikkut ittut qinnuteqartup paasissutissat pissarsiariniarneqannginnissaannik soqutiginneranit erseqqisumik sallitittariaqarpata.

§ 31. Paasissutissat allanut oqaatigeqqunngisat kisitsisit atorlugit paasissutissiorissaq imaluunniit ilisimatuutut misissuinermut tunngatillugit pissarsiariniarneqartut ingerlatsinermut oqartussaasunut allanut ingerlateqqinnejassanngillat allamut atugassanngorlugit.

§ 32. Ingerlatsinermut oqartussaasut paasissutissamik ingerlatseqqinssamut pisinnaatitaappata oqartussaasut ingerlatsinermut oqartussaasut allat qinnuteqarneratigut paasissutissaq ingerlateqqissavaat oqartussaasut taakkua sulinerannut imaluunniit aalajangigassaannut annertuumik pingaaruteqarpas.

Imm. 2. Imm. 1-imili aalajangersagaq atorneqassanngilaq ingerlatseqqinssap oqartussaasut suliaqarnerulersissappagit oqartussaasut allat taakkua paasissutissanik piumallutik soqutigisaanniit naleqarnerujussuarmik.

§ 33. Pisortat ingerlatsivianni suliffilik taama suliffeqarnereminut atatillugu paasissutissanik allanut oqaatigeqqunngisanik suliassami suliarinissaannut pingaaruteqanngitsunik pissarsissanngilaq.

Kapitali 9.

Atortuulerneq, inatsisinut allanut tunngasut qanoq pineqarnissaat il.il.

§ 34. Inatsit una atortuulissaaq januaarip aallaqqaataani 1995-imi.

Imm. 2. Ulloq taanna atortuujunnaassaaq inunnut tamanut isertuussinnginnissamik inatsimmi nr. 208-mi 10. juni 1970-imeersumi kapitali 2, oqartussat inatsimmi ilaatinneqartut eqqarsaatigalugit.

§ 35. Inatsisini allani aalajangersakkat imaluunniit inatsit tunngavigalugu aalajangersakkat kapitali 2-mi aalajangersakkanit annertunerusumik suliami peqataasussaannginnermik kinguneqartussat atortiinnarneqassapput.

§ 36. Inatsisip matuma kapitaliisa sisamaanni aalajangersakkat atorneqassapput allagaatinut oqartussaasunit suliarineqartunut imaluunniit oqartussaasunit pigineqalersimasunit 1. oktober 1964-imi imaluunniit kingusinnerusukkut.

Imm. 2. Taamaattorli pisimasuiit pillugit paassisutissat allagaatiniittut oqartussaasunit suliarineqarsimasut imaluunniit oqartussaasunit pigineqalersimasut 1. oktober 1964 sioqqullugu kapitali 4-mi aalajangersakkani pineqartunut ilaassapput ilanngussaasimagunik suliamut ingerlatsinermut oqartussaasunit suliarineqartumut imaluunniit suliarineqarsimasumut piffissap taaneqartup kingornagut, aammalu paassisutissat tamakku suliassap aalajangiivigineqarnissaanut pingaaruteqarpata imaluunniit pingaaruteqarsimappata.

Imm. 3. Suliami peqataasut suliassamut tunngasunik ilisimasaqarsinnaatitaanerat pillugu inatsisini allani aalajangersakkat atortiinnarneqassapput. Tamannali atortuussanngilaq aalajangersakkanut suliassami peqataasup inatsisip uuma kapitaliisa sisamaata suliassamut tunngasunik ilisimasaqarsinnaatitsineranit annikinnerusumik ilisimasaqarnissamut, tamakku atortuulersimanngippata 1. oktober 1964-imi imaluunniit kingusinnerusukkut.

§ 37. Inatsisini allani aalajangersakkat imaluunniit inatsimmik tunngaveqartumikaalajangersakkat (aalajangiinermut) tunngaviusut imarisassaasa § 23-mi pineqartunit annertunerunissaannik piumasaqartut atortiinnarneqassapput.

Namminersornerullutik Oqartussat, ulloq 13. juni 1994

Lars Emil Johansen

/

Kaj Kleist